



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბუერა

ბუერა (Petasites), მრავალწლოვან ბალახოვან მცენარეთა გვარი რთულყვავილოვანთა ოჯახისა. აქვს გრძელი მხოხავი ფესურები და ფესვთანური ფოთლები (ღეროსეული ფოთლები რედუცირებულია). ორსახლიანი მცენარეა. ბუტკოიანი ყვავილები მოთავსებულია დიდ კალათებში, მტკრიანიანი - უფრო პატარა კალათებში. განლაგებულია ღეროს წვერზე ფარისებრ (ბუტკოიანი) ან საგველასებრ (მტკრიანიანი) ყვავილედად. ცნობილია 5-6 სახეობა, რ-ებიც გავრცელებულია ჩრდ. ნახევარსფეროს ზომიერ სარტყელში.

საქართველოში ბ-ის 4 სახეობა გვხვდება: ფომინის ბ. (P. fomini) და ქართული ბ. (P. georgicus) საქართველოს ენდემებია; პირველი იზრდება რაჭა-ლეჩხუმის, შიდა ქართლისა და მთიულეთის ალპ. სარტყლის ღორღიან ნიადაგებზე, ტენიან კლდეთა ნაპრალებში და მთის ჩანჩქერთა კალაპოტის გასწვრივ, მეორე - მარტო ქართლში, მთის შუა და ბედა სარტყლის ტენიან ხევებსა და ტყეებში; თეთრი ბ. (P. alba) მთელ საქართველოშია გავრცელებული, ჰიბრიდული ბ. (P. hybrida) - მხოლოდ აფხაზეთში.

**ლ. ხინთიბიძე**

---